

ყველაფერი ერთ სივრცეში

NEUTRAL TRAVEL  
DOCUMENT

ნეიტრალური  
დოკუმენტი



იუსტიციის  
სახლი

## რა არის ნეიტრალური დოკუმენტი?

ნეიტრალური დოკუმენტი არის ჰუმანიტარული ხასიათის საბუთი, რომელიც აფხაზეთის და ცხინვალის რეგიონების მოსახლეობას სოციალური სერვისების მიღებისა და საზღვარგარეთ თავისუფლად გადაადგილების საშუალებას აძლევს. იგი ნეიტრალურია მოქალაქეობის მიმართ და არ შეიცავს საქართველოს სახელმწიფოსთან ან მთავრობასთან დაკავშირებულ რაიმე სახის სიმბოლიკას.

ნეიტრალური დოკუმენტები ორი სახისაა:

- პირადობის ნეიტრალური მონშობა;
- ნეიტრალური სამგზავრო დოკუმენტი.

## რა არის პირადობის ნეიტრალური მონშობა?

პირადობის ნეიტრალური მონშობა არის პირადობის დამადასტურებელი დოკუმენტი, რომელიც მფლობელს უფასო სოციალური მომსახურებების მიღებისა და შემდეგი უფლებების გამოყენების საშუალებას აძლევს:

- ზოგადი, პროფესიული და უმაღლესი განათლების მიღება;
- უფასო/თანადაფინანსებული ჯანდაცვის მომსახურებით სარგებლობა;
- საგანმანათლებლო, სამეცნიერო-კვლევითი, ჯანმრთელობის დაცვის, კულტურული, სპორტული, სოციალური და სხვა პროექტების განხორციელებისათვის გრანტის მიღება;
- სხვა სოციალური შეღავათებით სარგებლობა.

პირადობის ნეიტრალური მონშობა შედგენილია ქართულ-აფხაზურ და ქართულ-ოსურ ენებზე და მისი აღება ნებაყოფლობითია.

## რა არის ნეიტრალური სამგზავრო დოკუმენტი?

ნეიტრალური სამგზავრო დოკუმენტი არის პირადობის დამადასტურებელი მოწმობა, რომელიც ზემოთაღნიშნული სარგებლის გარდა მფლობელს დამატებით საზღვარგარეთ თავისუფლად გამგზავრების საშუალებას აძლევს.

ნეიტრალური სამგზავრო დოკუმენტი შედგენილია მხოლოდ ინგლისურ ენაზე და მისი აღება ნებაყოფლობითია.

## ვის შეუძლია აიღოს ნეიტრალური დოკუმენტები?

პირადობის ნეიტრალური მოწმობისა და ნეიტრალური სამგზავრო დოკუმენტის აღება შეუძლია ნებისმიერ პიროვნებას ან მის შთამომავალს, რომელიც 1992 წლის 31 დეკემბრის მომენტისათვის აფხაზეთის ან ცხინვალის რეგიონში ცხოვრობდა და რომელსაც არ აქვს საქართველოს მოქალაქეობა.

## სად შეიძლება ავიღო ნეიტრალური დოკუმენტები?

ნეიტრალური დოკუმენტების აღება შესაძლებელია ნებისმიერ იუსტიციის სახლში.

## ვის შეუძლია განაცხადის გაკეთება?

- დოკუმენტის აღების მსურველ პირს პირადად;
- სანოტარო წესით დამონმებული მინდობილობის მექონე მესამე პირს;
- არასრულწლოვანი ან ქმედუუნარო პირის შემთხვევაში - მის ერთ-ერთ მშობელს ან სხვა კანონიერ წარმომადგენელს (16 წლამდე არასრულწლოვანზე ან ქმედუუნარო პირზე ნეიტრალური სამგზავრო დოკუმენტის გაცემისათვის აუცილებელია ორივე მშობლის თანხმობა);
- ვებ-გვერდზე [www.house.gov.ge](http://www.house.gov.ge) ონლაინ რეჟიმში დოკუმენტის აღების მსურველ პირს.

## წარდგენილ განცხადებას თან უნდა ერთვოდეს:

1. პირადობის დამადასტურებელი ერთ-ერთი შემდეგი დოკუმენტი:

- ყოფილის სრკ-ს სიმბოლიკიანი პასპორტი;
- აფხაზეთისა და ცხინვალის რეგიონების ტერიტორიაზე მოქმედი დე-ფაქტო ორგანოების (თანამდებობის პირების) მიერ გაცემული დაბადების ან პირადობის დამადასტურებელი დოკუმენტი;
- აფხაზეთის ავტონომიური რესპუბლიკის მთავრობის ან ყოფილი სამხრეთ ოსეთის ავტონომიური ოლქის ადმინისტრაციის მიერ გაცემული ცნობა;
- 18 წლამდე პირებისთვის, ასევე 1992 წლის 31 დეკემბრის შემდგომ დაბადებული პირების შემთხვევაში - დაბადების მონმობა ან პირადობის დამადასტურებელი ნებისმიერი დოკუმენტი, მათი მშობლის/კანონიერი მეურვის ზემოთ მოყვანილ ნებისმიერ დოკუმენტთან ერთად;
- პირადობის დამადასტურებელი სხვა დოკუმენტი.

2. ერთი ფოტოსურათი ზომით 3,5x4,5 სმ (დაბეჭდილი და ელექტრონული ფორმით);

3. დოკუმენტის გაცემისთვის დაწესებული საფასურის ქვითარი.

იმ შემთხვევაში თუ პიროვნება უკვე ფლობს პირადობის ნეიტრალურ მონმობას, ნეიტრალური სამგზავრო დოკუმენტი გაიცემა მის საფუძველზე.

## მომსახურების ღირებულება:

პირადობის ნეიტრალური მონმობა - 10 ლარი;  
ნეიტრალური სამგზავრო დოკუმენტი - 35 ლარი.

ფოტოსურათის გადაღება და მომსახურების საფასურის გადახდა შესაძლებელია ადგილზე, იუსტიციის სახლში.

დოკუმენტები გაიცემა განაცხადის შეტანიდან 10 სამუშაო დღეში.

## რა ხანგრძლივობით გაიცემა აღნიშნული დოკუმენტები?

18 წელს ზემოთ პირებისათვის:

პირადობის ნეიტრალური მოწმობა- 5 წლის ვადით;  
ნეიტრალური სამგზავრო დოკუმენტი - 10 წლის ვადით;

ნეიტრალური სამგზავრო დოკუმენტი 18 წლამდე პირებზე - 3 წლის ვადით;

ვადის ამოწურვის შემთხვევაში გაიცემა ახალი პირადობის ნეიტრალური მოწმობა და ნეიტრალური სამგზავრო დოკუმენტი.

ნეიტრალური დოკუმენტის მფლობელის შესახებ ინფორმაცია დაცულია.

ნეიტრალური დოკუმენტების თაობაზე დამატებითი ინფორმაციისათვის იხილეთ ვებ-გვერდი [www.house.gov.ge](http://www.house.gov.ge) ან დაუკავშირდით იუსტიციის სახლის ცხელ ხაზს ნომერზე:



2 405 405

[www.house.gov.ge](http://www.house.gov.ge)

[info@house.gov.ge](mailto:info@house.gov.ge)

[www.facebook.com/publicservicehall](https://www.facebook.com/publicservicehall)